

Dumonda Stieger concernent il congedi da paternitad tar il chantun

Per il 1. da schaner da quest onn è finalmain vegnì introducì er en Svizra in congedi da paternitad da 2 emnas. En la cumparegliaziun internaziunala è quel anc adina fitg modest. Differents manaschis van per part lunsch sur quest minimum or (p.ex. Allianz-Suisse: 8 emnas).

Sche quest element pitschen, ma impurtant per l'attractivitat sco patrun vegn realisà en moda exemplarica, profitan tut las persunas partecipadas.

Duvrar dovri pussaivladads unitaras, transparentas e flexiblas per retrair il congedi da paternitad, ch'èn accordadas cun ils basegns da las persunas pertutgadas.

Er sto la lavur vegnir fatga durant ch'il congedi da paternitad vegn retratg, per ch'i na resultian betg dischavantatgs per la clientella e per ils umens sez che retiran il congedi da paternitad. Tenor basegn dovra quai soluziuns regladas per substituziuns.

Perquai vulesch jau gugent tschentar al chantun las suandantas dumondas en chaussa:

1. Quantas emnas congedi da paternitad porscha il chantun a ses employads? Po il congedi da paternitad vegnir repartì en moda flexibla entaifer ils 6 mais suenter la naschienscha e datti reglas en chaussa? Datti ina regulaziun unitara che vala per tut ils uffizis respectivamain tgi è cumpetent en chaussa?
2. Exista ina regulaziun da substituziun, sco ch'ella vegn applitgada tar il congedi da maternitad? Co vegn organisada la substituziun durant la retratga dal congedi da paternitad, per che la lavur vegnia tuttina fatga e per che la retratga dal congedi da paternitad na chaschunia betg pli tard ina chargia supplementara per ils umens pertutgads?
3. Co sa preschentan fin ussa las cifras en la pratica? Quants babs han retratg il congedi da paternitad en il fratemp (en cifras absolutas e procentualas da tut ils novs babs)? Èn vegnids retratgs mingamai tut ils dis e co èn quels vegnids repartids? Èn enconuschents motivs per ils quals ils dis n'èn eventualmain betg vegnids retratgs?
4. Datti actualmain ina retschertga davart la dumonda da la cuntentientscha dals umens pertutgads? Quinta il chantun da documentar quai en l'avegnir ed a lunga vista?

Tavau, ils 16 da zercladur 2021

Stieger, Schwärzel, Hofmann, Atanes, Baselgia-Brunner, Cantieni, Caviezel (Cuira), Degiacomi, Felix, Gartmann-Albin, Geisseler, Horrer, Müller (Favugn), Noi-Togni, Perl, Preisig, Rettich, Rutishauser, Wilhelm, Spadarotto, Tomaschett (Cuira)